

اسم الله الطيب | الجزء (10) | #فإني_قريب | د. حازم

شومان

حازم شومان

ورحمة الله آيات القرآن عظيمة قوي يا اخواني سمعتم فما اصبرهم بعد ما ربنا قال اولئك الذين اشتروا الضلال بالهدى فما اصبرهم. واحد ماشي في طريق اخره نار ومصمم. وبيضحى اكثر ما انت بتضحى. وتعبان اكثر - [00:00:00](#)
ما انت لو ما كنتش نمت بقى لك يومين واقف تعبنا في الصلاة. وبيجهد وبينفق من ماله وبرضه صابر. الله يتعجب من صبر اهل اهل المعصية على المعاصي. ومتعذب وجا له اكتئاب نفسي بسبب المعصية وافتقر. ونزلت العقوبات الدنيوية عليه. وبرضه صابر -

[00:00:30](#)

فما اصبرهم! امال احنا اين صبرنا على الطاعة يا اخواني؟ لما سمعت قول الله سبحانه وتعالى والذين امنوا اشد حبا لله. قلت يا رب يعني انا المفروض الناس اللي بتعصي ربنا وشهوئها مع المعصية ورغبتها مع المعصية. انت رغبتك في الطاعة اعظم من رغبتهم في المعصية. لو احنا - [00:00:50](#)

للدين بقى اشد من حب الشباب اللي قاعد على الكافيهات دلوقتي وسايب الصلاة للقعدة على الكافيهات احنا هنخليهم هم يدخلوا الجنة مش هيبقى العكس هو اللي بيحصل الوقتي. انك تلاقى جنبك حد بيصلي النهاردة بكرة ممكن ما تلاقوش. هو راح فين؟ والله اصل انا مش قادر او فر كل يوم. فما - [00:01:10](#)

الله سبحانه وتعالى يصف اهل المعصية بتعجب بمدى الصبر بتاعهم. هنعيش النهاردة مع اسم من اسماء الله الحسنى في دقائق كده توتة ايمانية اسم من اعظم اسماء الله من الاسماء الجميلة التي اثبتته علماء لله سبحانه وتعالى وهو اسم الله الطيب. اسم بيخلي حياتك طيبة واسم بي فهمك - [00:01:30](#)

ازاي تعيش مع ربنا في كل حركة وساكنة وانت بتقول يا طيب طيب لي قلبي يا طيب. طيب لي يا الله يا طيب. طيب لي بيتي طيب لي وصيتي طيب لي خواطري طيب لي حياتي يا رب. فلنحيينه حياة طيبة. الله الطيب بيعد اللي هيمشي في طريقه - [00:01:50](#)
انه هيحياه حياة طيبة سبحانه وتعالى. الاسم ده بيعمل حاجات كتير اوي في الانسان المؤمن. كفاية ان الله طيب كما قال النبي صلى الله عليه وسلم لا يقبل الا طيبا. فيه ناس بيتهيا لها ان لا يقبل الا طيبا. يعني انك انت تطلع المال الحلال من الصدقة بس. لأ -

[00:02:10](#)

صيامك طيب ولا مش طيب؟ كل عباداتك انت نفسك طيب ولا ما انتش طيب عشان ربنا يقبلك. الاسم بتاع النهاردة ممكن يغير في حياتك حاجات كتير قوي وممكن يبقى مفتاح من مفاتيح السعادة في الحياة. انك انت تقدر تعيش حياة طيبة بس لو فهمت الاسم ده وفهمت معانيه - [00:02:30](#)

اول معنى من معاني اسم الله الطيب سهل العطاء. اللي سهل ان هو يدىك. يقول لك في القرآن قال تعالى في القرآن فان طبن لكم عن شيء منه نفسا. يقول لك فلان ده طيب طيب ليه؟ اصل آآ يعني لو طلبت منه اي حاجة يقوم مديها لك. فلان ده طيب ليه؟ بتطيب نفسه - [00:02:50](#)

وان يعطي للناس سهل ان هو يدى. سهل ان هو يسامح. سهل ان هو يغفر. سهل ان هو يعديها لك طيب ولا يقبل الا طيبا. خليك مع الطيب خليك مع ربنا سبحانه وتعالى. خليك انسان طيب ربنا سهل يا اخوانا. اسهل حد تاخذ منه - [00:03:10](#)

انت عايزه ربنا اوعى تفتكر انك لما ترفع ايديك وتقول يا رب بس انا هطلب من ربنا حاجة كبيرة كبيرة يعني اكبر من سمعك اكبر من كبدك اكبر من مخ - [00:03:30](#)

اكبر من ربنا اداك اللي انت عمرك ما كنت تتخيل ان انك انت تاخده اصلا في الوجود. ربنا اداك ما هو اعظم من اللي انت نفسك تاخده من ربنا الوقتي مليارات المرات. انت مستصعب ان ربنا يديك ليه ؟ ربنا سهل ان هو يدي. ربنا سهل ان هو يغفر. اكبر اربع معاصي - [00:03:40](#)

اللي بيقع فيهم يتهبأ له ان حياته اسودت ايه؟ يعني ربنا يحفظنا الزنا واحد زنا ربنا يحفظنا يا رب ويتوب علينا ويتوب على عصاة المسلمين جميعا يعني يتهبأ لك كده ان الموضوع ايه او واحدة وقعت في جريمة الزنا ده مصيبة. طب الغامدية لما وقعت في جريمة الزنا وتابت. النبي عليه الصلاة والسلام قال ايه؟ لقد - [00:04:00](#)

قد تابت توبة في صحيح مسلم لو وزعت على سبعين من اهل المدينة لو قسمت على سبعين من اهل المدينة لوسعته زنا يا رب اه طب الاكل؟ لا الاكل بقى دي حاجة يعني لا يمكن ان حد يتخيلها. طيب قاتل المائة. ربنا عمل معه ايه ؟ ونزل له ملايكة - [00:04:20](#) الرحمة وقالت انه جاء مقبلا بقلبه على الله. طب الخمر شرب الخمر ده مصيبة. طب ابني انه عيمان في صحيح البخاري. لما النبي عليه الصلاة والسلام قال مع علمت الا انه يحب الله ورسوله. او كما قال النبي صلى الله عليه وسلم وده شارب خمر ابن عبدالبر يقول حد في الخمر خمسين مرة. طيب - [00:04:40](#)

يا ريس التولي يوم الزحف. فيه اكثر من التولي يوم الزحف. الهروب من الجهاد. طب وعلى الثلاثة الذين خلفوا. حتى اذا ضاقت عليهم الارض بما رحبت. وضائق عليهم أنفسهم. وظنوا ان لا ملجأ من الله الا اليه. ثم تاب عليه. يعني تاب ثم تاب - [00:05:00](#) العلماء قالوا يعني توبة بعد توبة من الله. لولا ربنا تاب عليهم ما كانوا قدروا انهم يرجعوا اصلا. ربنا طيب. سهل ان هو يرضى. سهل ان هو يرضى يعني رضا ربنا ده مش حاجة صعبة بقى والواحد يفني عمره عشان يا اخواني حنة خشبة تحطها في بقلك. الله يرضى عنك السواك - [00:05:20](#)

مطهرة للفن مرضاة للرب. ربنا دخل واحدة بغى الجنة عشان ساقط كلب. انت عايز ايه اطيب من كده؟ انت عايز ايه من كده ربنا دخل واحد الجنة عشان شال غصن شوك من طريق المسلمين. ربنا دخل وعد الجنة عشان واحد مديون له - [00:05:40](#) وقال ايه ؟ يعني لو هو معسر خلوه ايه ؟ ادوا له فرصة، ادوا له مهلة. بلاش ترفعوا عليه قضية في وقت السداد لو هو ما سددهش. دخله الجنة. ربنا طيب - [00:06:00](#)

عشان كده دين ربنا كله سهل. دين ربنا كله طيب. كل حاجة تتعلق بالله طيبة. الله طيب. طيب والقرآن الى الطيب من القول. القرآن طيب. طب رسول الله صلى الله عليه وسلم يا رسول الله طبت حيا وميتا. رسول الله طيب. طب ما ديني - [00:06:10](#) رسول الله طيبة وطابة وطيبة كلها طيب. طيب الجنة طوبى التوبة دي شجرة في الجنة قال لك الحياة طيبة العظيمة مساكن طيبة في جنات عدن جنته طيبة وقرآنه طيب ودينه طيب وشريعته طيبة ورسوله - [00:06:30](#)

طيب وعباده طيبين الذين تتوفاهم الملائكة. طيبين اي حد هيقرب من الطيب هيبقى طيب. اي حد هيقرب من الدين الطيب هيبقى طيب ربنا سبحانه وتعالى دينه كله سهل. عشان كده الرسول عليه الصلاة والسلام يقول الايمان بضع وسبعون شعبة. اعلاها قول لا اله الا الله. طيب - [00:06:50](#)

وادانها امانة الاذى عن الطريق. ان انا ارواح شوية الصخور اللي اللي في المفرق اللي على يمين المسجد دهوه ان انا ارواح اشيلها وتطلع عيني اسهل ولا ان انا اقول لا اله الا الله؟ لا اله الا الله؟ لا اله الا الله ولا امانة الاذى؟ الا على لا اله الا الله. يعني كل ما - [00:07:10](#)

على كل ما الدين بيبقى اسهل. يعني انت كل ما تترقى في الالتزام انت اول ما بتدخل التدين انت بتحس ان الدين حاجات كثير بس بيبقى عندك شوية حماس. انت كل ما - [00:07:30](#)

افهم دي اكثر وكل ما بتطلب علم اكثر. وكل ما بتقرب من ربنا اكثر تكتشف ان الدين اسهل واسهل واسى دين ربنا. دين الله الطيب

سبحانه وتعالى فاول معنى من معاني الله الطيب سهل العطاء سهل انه يديك. سهل ان هو يستجيب دعائك اللي انت نفسك فيه سهل يديك عيل. سهل - [00:07:40](#)

يعنيك سهل يحل لك مشاكلك. سهل يشفيك. سهل يحل المشكلة اللي بينك وبين جوزك. سهل. بس انتم اطلبوا من ربنا. بس انت اقفي على باب ربنا سبحانه وتعالى سهل دعوة مستجابة عند الفطار وكل ليلة وكل يوم سهل. ربنا اسهل حد تتعامل معه. اسهل حد -

[00:08:00](#)

مش هيقعدك في المعاملة. مش هتحس انك اتعقدت. مش هتحس انك هتتجنن. طب اعمل ايه؟ طب يعني ساعات تتعامل مع بعض الناس كده. تحس انك هتتجنن. طب ارضيه ازاي طب اكسبه ازاي؟ طب اخليه يسامحني ازاي؟ طب اعرف اتعامل معه والدنيا تبقى

سهلة ازاي؟ تحس انك انت مش قادر. ربنا سهل. عشان كده اول - [00:08:20](#)

اية سمعناها في اول ركعة في صلاة العشاء من الشيخ ايهاب. غافر الذنب وايه؟ قابل التوب. ربنا طيب. قابل التوب يا جماعة التوبة عشان كده العلماء قالوا دي ارجى اية في القرآن قال لك يعني لو واحد عصى ربنا الف مرة وقع في مصيبة ورجع يا رب يا رب

سامحني يا رب يا رب معلش يا رب - [00:08:40](#)

خد عشان خاطري يا رب عالدهان المراد. ماشي عديها له. يوم وهو ربنا يعلم انه هيقع تاني. وربنا كان قاعد الشباب بيقول لي مرة بيقول لي وانا قاعد اخر رمضان وانا باعيط وعارف ان انا طالع رحلة معينة كلها معصية في العيد وبعيط وبقول يا رب مش هقدر

اسيها. اه وهو بيعيط برضو سبحان الله - [00:09:00](#)

ربنا هدها بعدها. ربنا طيب ويقوم واقع تاني. يا رب معلش المرة دي. ربنا طيب يعديها له برضه. يا رب معلش المرة المية قابل التوب

يا عم اوعى مليون مرة - [00:09:20](#)

مرة لو كل مرة بعدها قمت واصلت ركعتين توبة ورجعت ربنا طيب من الايات اللي شدتني جدا قول الله سبحانه وتعالى بل يدها مبسوطتان يعني كان في موقف كده فيه واحد وقع في ازمة كبيرة جدا. فيعني كلمت واحد كده قلت له ايه يعني يساعده. ففوجئت

ان هو ادى له مساعدة انا - [00:09:30](#)

ما كنتش متخيلها. يعني ايه؟ يعني ادى له مساعدة كبيرة اوي. يعني انا متوقع ان هو هيدي له مساعدة بسيطة يعني. فانا بصيت

للمنظر كده كنت انا وواحد زميلي كده. فاحنا - [00:09:50](#)

بنام اعيط يعني هو الراجل ده طيب كده ليه؟ فالتاني قام مفتوح في العياط ما صدقش بقى ان مشكلته لانه كان واقف في مصيبة.

ما صدقش ان المصيبة اللي هو فيها - [00:10:00](#)

قام التاني صعبان عليه اكرت قام مدي له مبلغ تاني كبير اوي برضه. احنا قعدنا يومين نزلنا الجامع انا وصديقي ده قعدنا نعيط لربنا يا رب اذا كان مخلوق بس الاية اللي شدتني قوي ليلتها. بل يدها مبسوطتان. الراجل ده لما ادى له فتح ايده وادى له وبعد كده قفل ايده

تاني. مرة تانية - [00:10:10](#)

فتحها واداله. لو قال له تالت هيقول له لا بقى. هي مش آآ مش تكية. فبيفتح المخلوق. انما ربنا يدها مبسوطه ما بتتقفلش اصلا يعني

انت خدت منه النهاردة تيجي بالليل كمان يا رب مش هيقول لك لا بقى. هو الصبح خدي كمان. هتيجي بكرة كمان يا رب - [00:10:30](#)

خدي كمان. كمان يدها مبسوطتان لا تنغلق اصلا. ربنا طيب من الاحاديس اللي تقطع القلب في اسم الله الطيب. اخر واحد يدخل

الجنة عارفين الحديس بتاعه اخر واحد يدخل الجنة حديس يقطع القلب والله يا اخواني. اللي هو يمر من على الصراط ويجر جرد.

فالراجل اول ما يعدي من على الصراط - [00:10:50](#)

تبص للنار كده ويقول الحمد لله تبارك الذي نجاني منك. بقى له مسلا سبع تمن تلاف سنة بيعدي من على الصراط يا الصراط ده

ماسورة على البحر متوسط ده جهنم دي الشمس اللي قد الارض مليون وتلتमित الف مرة. حنة طوبة في جهنم. جهنم دي رهيبه.

فتخيل ده بقى واحد كمان عم عبدك - [00:11:10](#)

كل خطوة في الطريق الرهيب ده طلعت روحه. ففي الاخر تبارك الذي نجاني منك. الحمد لله. شف الكلمة لله الذي اعطاني ما لم

يعطي احدا من العالمين. الكلمة دي تضحكك في ايه ؟ الراجل ده لو كان واحد بس قدامه - [00:11:30](#)
او واحد وراه ابو عشرة ما كنش قال الكلمة دي معنى انه قال الكلمة دي ان كل اللي هو شافهم في السبع تمن تلاف سنة اللي عدى على الصراط وقعوا وهو - [00:11:50](#)

وحيد فهو هو مش فاهم ان كل الناس عدت ودخلت الجنة. هو بيحسب انه الوحيد في التاريخ البشرية اللي عدى. فقاعد بقى كده شوية ربنا قالوا شجرة ونبع ميه يا رب قربي منهم يا رب. يا رب قربي من يا ابن ادم ده انت كنت لسه مش مصدق انك تعدي من على الصراط بعث لك ملايكة - [00:12:00](#)

عشان تعرف تعدي. يا رب. يا ابن ادم اعطيك هذا ولا تسألني شيئا بعدها. والله لا أسألك شيئا بعدها. وعزتك واسمائك الحسنى والله العظيم واكتابك والله ما هأسألك سؤال بعدها. فربنا يديهم لك شوية كده ربنا يخلق له شجرة اجمل ونبعة اجمل فيبص - [00:12:20](#)
كده يا رب يا رب قربي منهم يا رب يا ابن ادم الم اخذ عليك عشان خاطري يا رب عديها لي المرة دي يا رب خلاص خدها يا خد ربنا يخلق له شجرة اجمل يا رب. يا رب الشجرة اللي هناك دي. يا ابن ادم يا ابن ادم ما يصريني منك. هو انت عشان خاطري معلش يا رب عشان - [00:12:40](#)

عارف ولا ايه المسل الاعلى ؟ ابني لامته عشان خاطري. يا ابني انا لسة جايبه لك امبارح عجلة عشان خاطري. العربية دي هاموت عليها. خلاص ولله المثل الاعلى. بعد كده ايه - [00:13:00](#)

يقرب من الجنة يسمع اصوات النعيم في الجنة يا رب دخلها لي يا رب يا ابن ادم انا الطيب سبحانه وتعالى ربنا طيب فيه اسر عن بعض اصحاب النبي عليه الصلاة والسلام واحد بييجي يوم القيامة يعني واحد يغتابه كده او واحد عمل فيه مشكلة ولا مصيبة يمسكه يوم القيامة تعالى هنا هو - [00:13:10](#)

يا رب فلان يا رب خذ لي بمظلمتي من فلان. فيقول الله يا عبدي لقد نفذت حسناته. فماذا ستأخذ فيقول يا رب ياخذ من سيناتي. يا رب ده زلمني في الدنيا واغتابني وبهدلني وكسفتني قدام الناس. فيقول الله انظر يا عبدي - [00:13:30](#)

فينظر فاذا قصور من ذهب ومدائن من ذهب. مدن من ذهب. فينظر العبد فيقول يا رب لاي نبي هذا؟ لاي صديق اذى لاي شهيد هذا؟ فيقول لمن دفع الثمن يا عبدي؟ فيقول العبد يا رب ومن يملك فمن هذا - [00:13:50](#)

فيقول الله انت تملك فيقول وما الثمن يا رب؟ فيقول عفوك عن اخيك. فيقول عفوت عنه يا رب يقول الله خذ بيد اخيك وادخل الجنة. ربنا طيب. اسهل حد تاخذ منه. اسهل حد آيداه مبسوطتان ليل نهار - [00:14:10](#)

ده المعنى الاولاني. المعنى الثاني الذي طاب العيش في كنفه. الذي طابت الحياة في كنفه. من عمل صالحا من ذكر او انثى فلنجيئنه حياة طيبة. يعني سيدنا ابراهيم هو في النار كان عايش حياة طيبة. سيدنا يوسف وهو في - [00:14:30](#)

سجن كان عايش حياة طيبة. بافتح النهاردة قصة اصحاب الكهف وهم في الكهف عايشين ربنا يقول لك وهم في فجوة منه. والله انا باقرأ قصة اصحاب الكهف كل مرة احس ان انا بقرأ وصف الشاليه مسلا ولا لشقة مسلا في برج على شط اسكندرية. يعني وربنا

بيوصف الكهف والفتحتين - [00:14:50](#)

هواء بحري البحري بقى والوسع اللي جوة يا رب ايه يا رب والظل والهوى يا رب هما دول في مصيف ولا دول نايمين على شط الساحل الشمالي تحت شمسية ولا ربنا طيب فلنجيئنه حياة طيبة. وهم في الكهف كان ربنا معيشتهم في حياة طيبة. عشان كده لما

النبي عليه الصلاة - [00:15:10](#)

سلام. واصحاب النبي طبقوا الدين. المدينة بتاعتهم بقى اسمها ايه ؟ طيبة. بقى اسمها اطابة الحياة بتاعة الله. طابت الحياة. فربنا بيوعدك لو انت عشت في كنف ربنا بيوعدك ثلاث وعود. وعد في الدين ووعد في الدنيا ووعد في الآخرة. الوعد - [00:15:30](#)

اللي في الدنيا فلنجيئنه حياة ايه؟ طيبة. يا طيب طيب لي حياتي. يا طيب طيب لي بيتي. يا طيب كل ما تحس ان في مشاكل. كل ما تحس ان في هموم وغموم يا رب طيبها لي يا رب. يا رب طيب لي نفسيتي وخواطري يا رب. يا رب طيب لي قلبي يا رب. يا رب

طيب لي - [00:15:50](#)

اياتي فالوعد الاولاني حياة طيبة. الوعد الثاني اللي هو في الدين اقوى الطيبات للطيبين والطيبون ايه؟ للطيبات. قال لك وده اختيار الطبري. قال لك الطيبات يعني الاقوال الطيبة والاحوال الطيبة. للطيبين. الناس الطيبة ربنا هيفتح - [00:16:10](#)

علاء في الدين ويرزقها الاعمال الطيبة. مش انت بتقول في التحيات والتحيات لله؟ التحيات لله والصلوات والايه؟ والطيبات. الطيبات لله. ربنا ما بيقبلش غير طيب ما ينفعش ربنا مش هيقبل منك صدقة من مال حرام. ولا صلاة برياء ولا صيام وانت لسانك وحش مع الناس - [00:16:30](#)

بس ولا الله الطيبات لازم يكون اعمالك الصالحة طيبة. عشان الله يقبلها. والطيبون للطيبات. يعني انت انت راجل طيب ربنا يدريك الطيبات في الاعمال الصالحة في الدنيا وفي النعيم في الجنة. ربنا بيوعدك سبحانه وتعالى لو انت انسان طيب هيفتح عليك في الدين. لو انت انسان طيب - [00:16:50](#)

لك في الدنيا لو انت انسان طيب هيفتح عليك في الجنة طبتهم فادخلوها وده المعنى التالت بقى والاخير لاسم الله الطيب معنا بقى لنا قد ايه كده؟ خمستاشر دقيقة؟ سبعتاشر دقيقة؟ بقى لنا خمس دقائق - [00:17:10](#)

لأبجد خمستاشر دقيقة لو خمستاشر دقيقة اكمل بكرة نكمل بكرة طيب خلاص احنا يعني معلش يا اخواني عشان نلتزم بموضوع خمستاشر دقيقة احنا عاملين صلاة التراويح السنة دي. حزب عشان نخفف كده بازن - [00:17:30](#)

الله سبحانه وتعالى وفي نفس الوقت فيه تهجد للي عايز يكمل الجزء. ان شاء الله بازن الله ولكن ايه نكمل آآ بكرة بازن الله سبحانه وتعالى. الناس في الدنيا - [00:17:45](#)

بيقولوا كلمة طيب ديت على يقول لك ده فلان طيب يا عم ده يعني ايه؟ طيب يعني يعني فلان كده اضحك عليه وخلص. كلمة طيب دي كلمة جميلة اوي. كلمة طيب - [00:17:55](#)

ده عند ربنا كلمة جميلة اوي وثوابها عند ربنا عظيم اوي. نسأل الله اللهم يا طيب اللهم طيب لنا حياتنا. اللهم طيب لنا بيوتنا. اللهم اللهم طيب لنا اولادنا. اللهم طيب لنا ازواجنا. اللهم طيب لنا نفوسنا. الله طيب لنا خواترنا - [00:18:05](#)

اللهم طيب لنا دعوتنا. اللهم يا ربنا طيب لنا كل امورنا. طيب قلوبنا يا طيب ارزق الحياة الطيبة. احينا الحياة الطيبة. احينا على الاسلام وامتنا على الايمان. واحشرنا في زمرة النبي الطيب العدنان - [00:18:25](#)

عليه الصلاة والسلام. سبحانه اللهم وبحمدك اشهد ان لا اله الا انت استغفرك واتوب اليك - [00:18:45](#)